

鐵嶺縣志卷十三

物產

不讀爾雅無以知天下物產之大不讀禹貢無以見九州物產之不同爾雅之言物產足以盡天下物產之情狀性名禹貢之言物產足以辨九州物產之聲色臭味二書之不同二書之用不同也山川更易土質不齊寒燠乘除氣候迭變螽斯莎雞蟋蟀一物也竟隨時而異名江南有橘渡淮弗良同產也又隨地而異性言物產者豈可執一而語哉鐵嶺居遼東之右位溫帶之中東依羣山西通遼水北極沃野南盡高原山產水產野產咸備非即所謂地不愛寶者乎居其土而不詳其物產亦猶友其人而不知其家世智者不如是也今將鐵嶺物產錄爲一篇

鐵嶺縣志

卷十三 物產

一

鐵嶺縣立第一工科印

雖未能辨其聲色臭味猶可記其情狀性名留心物產者或不無一得之見焉昔禹鑄九鼎詳載其土地山川草木鳥獸鬼神豈無故哉比而不志烏虜志志物產

鐵嶺縣志卷十三

物產志

動物 禽

雞 曲禮呼爲翰音說文稱曰知時韓詩外傳謂鷄有五德首帶冠文也足縛距武也敵在前敢鬥勇也見食相呼仁也守夜不失時信也性強健棲息地上常搔撥塵埃索食雄者間時而鳴不稍間未有鐘表以前嘗藉以報時鳴聲激昂能令聞者感發志趣如晉祖逖劉琨故事鳴時先振羽伸頸然後發聲又好妬兩雄相遇輒鬥勝者昂首長鳴昔嘗有養以作賽具者牝者性柔愛雛情深有侵害者挺身當之貓犬不懼雖不如雄者善鬥猶能逆豎頸毛以威嚇之種類甚多

鐵嶺縣志

卷十三 動物

一

鐵嶺縣立第一工科印

有烏鷄雙冠鷄反毛鷄孤亞頭鷄毛護腿雞不時而鳴謂之荒雞主不祥

鴨 一名舒鳧其鳴呶呶如自呼羽短不能飛翔在野曰鳧家畜曰鴨行時雄前雌後有行列棲息水次嘗游泳水中捕魚蝦食之故畜於溪澤間者其卵肥大惟拙於孵卵以鷄代之又一種於鴨同每至春初飛翔溪澤間曰蒲鴨

鵝 一名家雁綠眼黃喙紅掌長脰善鳴白褐二色昂首緩行見異類差翅鳴見同類拂翅鳴夜間益急亦雁之一種因家畜不畏人故曰家雁俗以高飛爲異不利家主

雀 一曰瓦雀又曰家賓巢檐下春夏孵子至秋羣飛於野啄禾而無

大害又毛斑而體稍大者曰麻雀色黃者曰黃雀頗有記憶力能演以抽帖一般卜士嘗畜之以謀食又爪尖毛黑曰鐵雀覆網取之漏網者未幾復來亦鳥中之奇異者也作食品曰鐵雀

燕 卽玄鳥有數種頷紫曰紫燕善構巢曰巧燕尾如剪刀曰燕剪以其巢於人家屋梁又曰家燕而不善構巢曰拙燕亦曰青燕又一種形稍大者曰麻燕春來秋去皆以社日故又曰社燕

鴿 性喜合凡鳥雄乘雌鴿反之巢人檐下或屋角逐月生子一名鶉鴿又曰飛奴古人有畜以傳信者又京鴿羽毛光澤繫以鈴放空中盤旋作響片刻卽返原處一玩品也

鳩 鳥之拙者也不能爲巢往往鵲巢雛成而去取遺空巢則居之詩

### 鐵嶺縣志

卷十三 動物

二

鐵嶺縣立第一工科印

曰維鵠有巢爲鳩居之卽此也又名布穀

鳶 鴟類生翼卽食母俗呼鷹奴詩曰鳶飛戾天卽此物也

鴟鴞 鳥之不孝者也夜能察蚊睫晝不見泰山夜飛捕食小鳥晝則小鳥羣啄而不能動因其目晝闇夜明故也俗曰夜猫子所鳴之處居民有禍人多惡之

梟 亦鴟類其鳴嗚嗚如鼾睡聲曰曉虎毛角如兩耳酷似猫首俗稱猫頭鳥

雉 羽毛美麗頭細尾長山林間多有一名野雞因漢避呂后諱又改曰山鷄

鳶 俗曰鳶把拉卽桑鳶捕雀而食頭圓色褐鷲鳥也

鷓 翅長尾短色蒼如鷹能在人家稠密處盤旋空中捕鷄雛獨畏鴉  
鵲羣以羽擊之而去

鵝 似雁無後趾毛有豹文一名獨豹性喜羣飛如雁自然成行列初  
冬時恒有俗名曰鵝

鵲 一名子規怨鳥也狀如雀色慘黑赤口頭有小冠春暮即鳴夜啼  
達旦鳴必北向至夏尤甚晝夜不止其聲哀切啼苦時倒懸於樹田  
家俟之以興農事不能爲巢藉他鳥巢

烏 身純黑能反哺曰孝鳥亦曰慈烏驚蜚日即鳴銜枝營巢於樹間  
鷓 似烏腹白不反哺俗曰山老鷓

鶉 大如鷄雛頭細足高無尾身有斑點常伏田隴間雄者善鬥在昔

鐵嶺縣志

卷十三 動物

三

鐵嶺縣立第一工科印

曾有用賽賭者

鵲 大如烏長尾尖喙黑爪綠背白腹上下飛鳴以音感而孕俗曰能  
報喜故名喜鵲性惡濕又名乾鵲

鷹 鷲鳥也雄小雌大生於窟者好眠巢於木者常立雙股長者起遲  
六翮短者飛急月令季夏鷹乃學習註雛學飛季秋鷹乃祭鳥註欲  
食鳥先殺鳥不食獵者畜之晝夜不使眠能捕兔雉

鷂 似鷹而大尾長翅短山海經謂之鷲善擊捕翮可爲箭羽盤旋空  
中大者擊鴻鵠食之老秋時恒見於野

沙雞 似雌雉而小似雞雛而大善走橫草不過雪後覆網捕之最易  
得作食品尤佳邑東山林皆產曰沙半觔言其體重不過半觔也

布穀 一名臭咕咕田家聞之即興農事所謂布穀催耕

鷓鴣 毛灰有細紋巧於營巢巢大如鷄卵用馬鬃懸樹間莊子云鷓鴣巢林下不過一枝喙利如錐爲巢最工緻俗曰巧婦

蠟咀 毛深灰色雄者首黑咀曲而厚淡黃如蠟方雨不鳴鳴則啞啞雨將晴人畜之能演以打彈換食之技

阿藍 一名叫天頭有毛角每飛必高愈高鳴愈急巢於田野其卵被人影罨必移他處不易捕得有於雛時得之者以籠畜之鳴聲宏朗百靈子 來自塞北能學百鳥語故曰百靈子以籠畜之懸檐下初春即鳴有值十金者

藍頰 形如瓦雀頰下有藍毛故名

鐵嶺縣志

卷十三 動物

四

鐵嶺縣立第一工科印

紅頰 春秋均有咀尖脚長深灰色善鳴其聲如簧在喉食活物以籠畜之者須漸漸改食綠豆麪

蘇雀 頂有紅毛喜食蘇子故名記憶力如黃雀卜士畜之用以抽帖謀食

紅料 周身淡紅色善鳴喜食蘇子又曰蘇料小雪後即來性騃易捕俗曰蘇騃子

黃肛囊 以其肛有黃毛故名

柳葉 形小如指淡綠色喜在柳叢中飛串大風時以徒手捕謂之瞎柳葉又曰牛眼睛

蒿溜 常飛蒿間故有是名

三道眉 其眉間有三道白毛故名

青燕子 鶯鳥也青灰色巢高樹卵小而圓有紅黑斑點

號寒虫 狀如小鷄足有兩翹夏日毛盛自鳴鳳凰不如我冬時毛脫  
轍鳴得過且過糞入藥曰**五靈脂**

銅咀 似雀而大黑灰色喙青黃如銅

鐵咀 形似阿藍無毛角

錫咀 形似銅咀喙白故名

戴勝 似鵲咀長尾短青色頂有毛角如戴花月令季春戴勝降於桑  
咀與腿皆赤色羽多文彩美麗

啄木 一名啄木冠子咀如錐長寸許身有斑文深灰色其舌根通腦

鐵嶺縣志

卷十三 動物

五

鐵嶺縣立第一工科印

後舌尖引之愈長樹中蠹虫雖潛伏亦能鈎取食之巢木窟中孵卵  
時或有以木塞其窟最堅伊能就窟下用咀畫地如符籙其塞木錚  
然自落亦異事也

蝙蝠 爾雅謂爲服翼晝伏夜飛其糞入藥即夜明砂有謂屬獸類者  
又謂鼠食塩變化者

春暖 大如雀黑兼淡黃色善鳴初春即來最易捕得以籠畜之鳴聲  
甚高能活數年

白玉鳥 淡黃色卵於籠雄雌共孵善鳴其聲甚高

藍靛缸 周身淺藍色故名

大尾連 金黃色尾甚長常見於叢林中即黃鸝也

黃鶯 即倉庚桑葚熟時即來亦應節趨時之鳥

魚鷹 俗名釣魚郎蒼白色翅長足高

鷗 水鳥浮水上輕漾如漚

鳧 一名鶩又名野鴨子封開河時羣飛空際

鸛 水鳥仰鳴則晴俯鳴則陰天將雨鳴益急陰雲濃厚之際夜間常聞之俗用以占雨候

縮脖 色黑狀如鵝翅長足高頸曲飛立均縮其頸呆立水中俟魚過啄食之又曰老等亦名信天翁

鷺 林棲水食羣飛成序羽毛潔白如雪頂有長毛十數莖如絲欲取魚則弭之故名曰絲禽

鐵嶺縣志

卷十三 物產 動物

六

鐵嶺縣立第一工科印

鷓 色蒼喙長天將雨其先知之鷓蚌相持即此

鴻 鴈之大者羽毛光澤純白似鶴又有小鴻如鳧春秋兩度過之

鵠 水鳥大如鴈羽毛白潔其翔極高而又善步一名天鵠

鴈 隨陽鳥也春北向秋南旋飛必成行失偶不配鳥之義者也古來婚娶必用鴈幣取此義也每封開河之際羣集沙間不可數計近年較少

鵲 悌鳥也即詩所謂鵲鳩在原是也

動物 獸

馬 本地產無多每當初秋邑人往往結夥至蒙古處購買轉售漁利劣者農家用以耕地挽車良者爲官宦坐騎或充兵士戰馬

驢 似馬而耳長廣頸長頰修尾有灰白黑三色其鳴多在子午聲甚宏力在跨常用之以耕田推磨

羸 俗騾字說文驢父馬母謂之騾馬父驢母謂之馱馱力在腰挽車耕地與馬同飼養料較馬尤省來自吉林農安縣居多

羊 禮記曰柔毛因其毛柔生煖故名其皮爲裘其毛爲氈本境東部村民畜者較多色黑角直者曰山羊色白角曲者曰綿羊肉作食品狗 一名犬毛色有純黃白黑者亦有三色駁雜者約三種一身長足高體細性馴謂爲獵犬一身粗足短喜狂吠俗曰板橙狗一身小頭圓毛長面凹齒露視聽尤靈竟能打滾立行似通人情者曰巴狗又有謂獅子巴者均能守夜

鐵嶺縣志

卷十三 物產 動物

七

鐵嶺縣立第一工科印

牛 說文曰牛大牲也最易滋養俗曰乳牛生乳牛三年五個頭本境產者無多半購自蒙古地回民利其肉與皮專事屠業農民用以耕地挽車惟毛色純黑者用以祭孔及關岳

豬 豕彘豨皆其名也有家野之別野者生深山中重有數百斤家者純黑間有白腹白蹄其肉除回教外無人不食一種頭小體大脂多肉嫩俗曰荷包豬一種修耳長咀骨大皮厚曰閩豬又有頭小體長生長力最速曰日本豬肉味稍遜

貓 黑黃白黎灰各色駁雜善捕鼠身輕食少有踰房上樹之能其眼睛子午卯酉如一線寅申己亥如月滿辰戌丑未如棗核鼻端常冷惟夏至日煖



以上各獸畜於家者

狸 一名野貓圓頭大尾竊食雞鴨性烈噬人藏於山野古墓中能食貓皮可製裘然有南狸北狸高麗狸之分惟北狸最佳

狐 淫獸也性疑嘗惑人愚婦信之產於野者其皮可製裘有草狐沙狐火狐白狐雲狐玄狐之分富貴家多有之其值甚昂

獺 蒼黑色形如小狗水居食魚其皮著水不濡用作裘領及帽檐者甚夥貴重等於狐

鼠 穴虫之總名體小而善盜其類不盡詳惟鼯鼠即田鼠鼫鼠即臊鼠鼯鼠即豆鼠若花鼠或家鼠只供玩戲又老鼠俗曰耗子爲人所共棄者也又傳染病菌其害尤烈除畜貓外無法能制之

鐵嶺縣志

卷十三 物產 動物

八

鐵嶺縣立第一工科印

兔 亦鼠類有家野二種家者純白純黑亦有黑白間者耳長上唇缺其足前短後高行必跳最速善警逐月生子野者與家稍有不同色蒼似獾貉俗曰兔無雄望月而孕生子從口出以土培之或有竊啓其戶子輒不成又謂吐生者得土而生土訛以爲吐也

狼 性狡大如狗色青蒼隨草變易其卜食必先倒立以卜所向故獵者遇狼輒喜以獸之所在也其智如此

貉 形似狸銳頭尖鼻毛有班紋深厚可爲裘最禦寒身長腰短性好睡逐之十餘步輒睡故曰睡貉子

獾 狼屬皮可爲褥最禦寒其油可醫湯火傷

黃鼠 俗名黃鼠狼子墻野墳墓中常有夜入人家竊咬鷄鴨不易捕

得其尾毛可製筆其皮可製裘帽且有惑人者

麋 形似鹿善跑城東諸山中嘗見惟肉質粗不中食皮亦不適用  
蝟 鼠類周身有刺如集矢他獸不敢犯稍有觸身即曲曲則不見頭  
足俗曰刺蝟蝟皮入藥

艾虎 形如豆鼠生郊野作洞於土崕皮肉均無用

豆鼠 蒼黃色尾如小帚方頭圓眼穴於隴畔春夏間嘗頭頂糞餅向日拜跪唧唧如作人言無他用全身擣之可醫騾馬  
以上各獸屬於野者

動物 鱗介

鯉 鯉爲魚中之王無分大小脊旁之鱗皆三十六境內各河均產惟

鐵嶺縣志

卷十三 物產 動物

九

鐵嶺縣立第一工科印

出遼河者大而且美色黃者俗曰金翅鯉魚

鯽 似鯉而脊隆好羣行刺多肉細至大不過一斤

鰍 生淺淖中似鱣而短首銳而黃黑色口旁有鬚數莖濡滑難握

鱣 亦作鱣有青黃之別似蛇有鱗尾稍扁多液而滑其血能療瘋病  
冬季結羣入泥中以有刃鐵鈎鈎出之

赤眼 身圓眼赤產遼河開封河得之最美

鰓條 詩之鰓也性好獨行故人之無妻以鰓稱之

草𧄸 身圓肉厚有青白二色

蟹 八足二螯以其側行俗曰旁蟹惟不宜過蘇地過則有毒食之輒  
殺人產自遼河者最美

鼈 一名甲魚俗曰忘八頸長體圓四足短小褐色不可與莧菜同食  
馬蛇 一名守宮形小身圓腹白背灰褐色好緣屋壁食蠍故曰壁虎  
亦曰蠍虎其在山澤草際者曰蛇醫亦曰蛇師即蜥蜴也

蛇 烏色者毒輕花頸綠身俗曰花野鷄脖子毒大而逐人曠野山間  
均有

蝦 溪澗泉名處均產身曲而色褐亦可食嘗有用以治痘疹者擣亂  
用涼水服之最發表帽峯山泉中產者尤佳

蛭 俗曰螞蛭生溪澗間長至二三寸許黑色無足在水中如蛇行慣  
附人畜肌膚吮血

船丁魚 長二三寸身扁鱗細黃色有斑紋見人則喙插泥中卵時口  
生疙疸過時則無柴河多有

蛤什蟆 兩棲物上銳下廣後長於前背純黑腹白者雄紅者雌秋末  
入河來年冰解即出產卵又一種如蛙青黃色背有二縱線如金伏  
水草間鳴者聒聒食之不及蛤什蟆味美一種爲田鷄較蛙肥大黑  
質而白紋其肉食之最佳

蛙 體圓四足善躍雨後轍鳴眉間有肉胞胞有白汁即所謂蟬酥是  
也

喇鷄 形如蝦而前無長鬚蟹身魚尾殼堅厚山澗石下常有之多捕  
擣亂入袋如淋豆漿能取汁熬熟有似豆腐味鮮美

鮎魚 無鱗身圓口大生流水中色青白生止水者色青黃刺少肉厚

一曰鰕

鮓 無鱗形似鰕俗曰槐子

鰕 產自遼河不多有鮮美爲他魚之冠

蝦蟆 一名青蛙初生有尾名蝌蚪

鐵嶺縣志

卷十三 物產 動物

十一

鐵嶺縣立第一工科印

動物 昆虫

蠶 李時珍曰孕絲虫也喜燥惡濕食而不飲三眠三起二十七日而老有家野二種家蠶食桑葉一歲兩收山蠶食柞葉一歲亦兩收近年我城育者甚多現有組織蠶桑公司者

蜂 有數種一曰蜜蜂能釀蜜人家作房畜之雌者曰王雄者工作出入大有秩序一曰細腰蜂負桑虫育之而爲子即詩之螟蛉也一曰黃蜂俗曰馬蜂好螫人

蟬 朽木根所化在土曰腹育脫殼而出殼曰蟬脫入藥黃石礮子山產最多

螻蛄 一名螻蛄冬亦可畜交春則死所謂螻蛄不識春秋是也入伏

鐵嶺縣志

卷十三 物產 動物

十二

鐵嶺縣立第一工科印

即鳴俗曰聒聒

螞蚱 蝗屬又曰蚱蜢翅短而以翅鳴者謂之草虫

扁担鉤 蝗屬長翅長股股斑如玳瑁能飛不能鳴秋後有變蒼色者

蜚 一名蚘蝶又號春駒黃白黑花各色俱備香鬚粉翅花斑燦爛竟有大如碟者

蚋螂 禮月令螳螂生即此物也前兩臂如斧曰螳斧頸細腹大攫蠅蚊食之狀勇敢在昔螳臂當車越王式之

螢 腐草所化俗曰螢火因夜飛腹下有光如火夜光宵燭均其別名昔人有借其光讀書者

蜻蜓 六足四翅羣飛水際俗曰螞蛉一名負勞有青紅黑各色多者

主澇

蛾 形如蝶而小蠶蛹所化其類甚夥禾稼有虫災以先多有此物夜間撲燭者亦此

蠅 色青者曰青蠅其子生蛆蛆仍變蠅色蒼而小者曰蒼蠅其糞能變黑白其聲薨薨最惹人厭

蚊 生惡水中爲孑孓所化齧肌膚擾人不得眠多則其聲如雷長吻如針夜間尤甚

蠓 一名蜉蝣生糞土中朝生暮死韓文公云蜉蝣撼大樹可笑其不自量也

蠅虎 身黑扁攫蠅食之

鐵嶺縣志

卷十三 物產 動物

十三

鐵嶺縣立第一工科印

蟑螂 厨竈間之害虫體扁平赤褐色小者喜就溫處夜間羣聚擾人睡肌膚轍破又一種長六七分頭有白紋夜出羣飛天將雨

螻 生糞土中俗曰土蠶大者以背行

斑蝥 黃黑色身多斑點有毒

蜘蛛 有數十種本邑所習見者曰癩癩蛛色灰暗前有長足四付後腹圓大如栗食蚊蠅之屬就籬落屋角結網絲軟而韌網之大者有時羅雀尿著人成瘡又可吸蠍螫毒

蝨 灰褐色好齧牛馬

磕頭虫 似蜉蝣而大豎其尾部磕頭有聲

半豆虫 形圓如半豆黃赤色多背有黑斑殼翅內有膜翅俗呼放牛

小

楊刺子 有房附樹枝上似雀卵而小春則齧房成小孔而出可化蛾未化前身有毛能螫人

土鼈 一名過街虫入藥

蚰蜒 細長多足類蜈蚣有黑黃綠紅四色陰濕地生之每防入耳見即殺之

錢串子 生陰濕處多足壁間行最速

毛毛虫 一名百足虫

潮蟲 生甕器及磚石底潮濕處身長三四分青灰色形扁而橢圓背多橫紋前有二觸鬚詩之伊威爾雅之鼠負是也

鐵嶺縣志

卷十三 物產 動物

十四

鐵嶺縣立第一工科印

蟻 結網空中如蜘蛛但身狹脚長一名長脚蛛即詩之蠪蛸也

壁錢 一名壁繭結網壁間狀如錢

馬蝗 即蛭頭尖腰粗色赤啞人及牛馬血成瘡如釘人時手拍之則縮牽之齧愈力

曲蟻 即蚯蚓入藥名地龍

螻蛄 穴土而居短翅四足腹大腰細如蜂長寸餘雄者善鳴而雌者翅小不能飛吸風食土喜就燈光又善掘土俗曰拉拉蛄

蟹 害稼虫也

蟻 種類不一大者曰蚍蜉小者曰螳俗呼麻蟻喜鬥行有秩序天將雨轍封洞嘗有用以占氣候也

蟋蟀 似蝗而小光澤如黑漆善跳好鬥秋後則鳴（爾雅）謂之蜚一名促織俗呼趨趨又名竈馬好穴於竈亦名竈鷄詩云七月在野八月在宇即此

蜣螂 黑甲虫一名吉蜣一名推車客俗呼使客螂用糞爲丸納於土坎子生其中

蚤 跳躍疾捷形小而黑有光亮潮濕處生之每藏人袖被間齧血作癢

蜚 一名床蝨俗曰臭虫色紅形扁而汁臭晝伏夜出齧人秋冬涼時伏藏暗處春夏活躍擾人至五更後少息

蝨 人之寄生虫也衣服常換無之齧人血液作癢古人捫蝨而談即鐵嶺縣志

是物

卷十三 物產 動物

十五

鐵嶺縣立第一工科印

蠹 一名琵琶虫亦曰護背虫其毒在尾入藥曰全蠹原先境內無之相傳清咸同間過路醫生東門內賣藥逸出此爲境內產蠹之始

蟣 蝨藏處轍生之俗謂蝨之子常換衣服無之從先寒苦人髮間最多

蝗 害稼虫本省向來無之民國十六年秋由西南飛來蝗虫不可數計向西北而去

蝻 蝗之子生地中專食禾根出土仍變爲蝗循環爲害幸本邑不常有

蠖 色最雜長二寸許似蠶亦吐絲作室但黏軟無用柳樹鳳仙花莖



恒有之促其腰首尾相就乃能進步

蠹 一名蠹魚書畫中生之專食書畫若三食神仙字則化爲脉望  
天牛 甲虫長寸許紅頭身黑如漆觸角甚長多見於果樹

阜螽 似蝗色灰翅短股長詩謂趯趯阜螽即此物又曰草虫長不及  
二寸翅短不掩後腹鳴則札札又土螽色似地皮路旁籬落恒有之  
俗曰土螞蚱

水黽 黑褐色六足浮行水面而體不濡

狗豆子 身圓附犬身吸血雖飽不移然無後殼能吸不能洩一名草  
虾

量天尺 長寸許綠色黑不等行時腰穹窿屈伸作步有似用尺量物

鐵嶺縣志

卷十三 物產 動物

十六

鐵嶺縣立第一工科印

故名園林中有之

螟 害苗虫也形黑而小食苗心冥冥難見故謂之螟

植物

粟

蜀黍 俗呼高糧穀雨前後播種桿高丈餘葉長著小黃花結穗淡紅  
色其實碾米爲土人常食之品其糠飼猪其莖作燃料徧處種之占  
全境農產百分之三十劣者釀酒

稻 宜水田從先種者甚少近年韓人種之頗獲利故我人亦引河水  
組織稻田公司

粟 穀之總名與高糧同時播種粒最小米曰小米禾桿曰穀草可飼

牲畜古以米之有苧穀曰穀周禮有九穀六穀之名今無考

稗 草之似穀者有水旱二種其葉似稻節間無毛其米爲粉作餅最佳莖可苦房窪下地最宜

粳 亦作秈稻之陸種者曰粳米粒白而長有芒殼遼河迤西各村種之較多

粳 稻之黏者亦名秣米曰粳米形同粳米境內西部六七區種者較多

小麥 清明前後播種初伏成熟曰麥秋磨粉爲上等食料春種夏熟之物產他省之麥秋種夏熟故曰麥具四時氣此地氣候較寒故春種夏熟後其地可種白菜萊菔或種苽霜降前收獲之

### 鐵嶺縣志

卷十三 物產 植物

十七

鐵嶺縣立第一工科印

大麥 形如小麥惟芒殼較多可作酒麴米可作粥不宜常食芽可作錫收種時期與小麥同詩經之牟即此

苽 一名錦葵花小麥獲後種之多花葉翹起花白子黑作三棱形百穀中播種最晚凡春耕誤期或改種以爲晚田

黏蜀黍 土人呼爲黏高糧其米多用以製糕餅故種者較少

玉蜀黍 俗呼包爾米有黃白二種亦有黏不黏之分近年種者日多因直魯人以此爲常食

苕帚 糜子形與黏蜀黍同但穗粒甚稀種者甚少不過作苕帚之用黍 俗糜曰子米曰大黃米可釀酒作粥及製黏糕等用

稗 曰散糜子即不黏之糜子

紅黏穀 莖赤葉紅可釀酒製糕俗曰小黃米

高麗穀 穗紅有似雞冠花相傳種來自高麗米似小米不黏

西番穀 穗似蒲棒粒附穗外作錫者代以脂麻用途不多故種者亦少

蘇子 爾雅曰荏桂有紫白二種子可榨油曰蘇油

薏苡 有黑白二種境內東山居民有種者殼白而圓不如外來之黑而橢者佳俗曰草珠子即漢馬援征交趾載歸者

脂麻 即胡麻子作油曰香油有黑白二種黑曰巨勝白曰白巨勝葉多毛易生虫子雜打瓜種者甚多

菽

鐵嶺縣志

卷十三 物產 植物

十八

鐵嶺縣立第一工科印

大豆 種不一黃者曰大金黃白者曰白眉青者曰青皮豆又外黑內青曰青瓢黑豆形扁而滑者曰磨石豆可製豆腐榨油滓作豆餅爲邑出產大宗

小豆 有黎白赤花各種赤者入藥餘製粉作飯爲麵用處甚多

綠豆 粒小而色深者爲佳淡綠次之可磨粉可製糕作飯夏日食之解毒

豌豆 櫻桃熟時亦熟將熟時葉及粒皆可作羹亦可煮食之

菹豆 形似蠶豆色不一白者入藥

豇豆 莢必雙生有紅白二種莢細而長者充蔬皮薄者秋成取粒俗曰打豇

刀豆 莢生橫斜如人持刀狀故名

雲豆 作菜品相傳種來自雲南故名不待粒熟六月可食其莢俗曰六月鮮

寬雲豆 形似雲豆而寬莢帶紅邊常種籬落間又曰籬豆

長雲豆 似雲豆肉厚而長至秋涼結莢愈多

### 蔬

韭 禮曰豐本以其年刈數次而不朽明年再發至冬培其根味與春韭同說曰一種而久生者也故曰韭

葱 冬蓄當春而發者曰羊角葱結子後旁生者曰幫子葱白露節後種者曰白露葱春間移小葱栽至他處者曰葱秧子寒露節後起出

### 鐵嶺縣志

卷十三 物產 植物

十九

鐵嶺縣立第一工科印

者曰大葱不起者即所謂明春之羊角葱也

蒜 葷菜也有二種皮紫味辛曰紫皮蒜白而辛少遜瓣小而多曰白皮蒜又大小之別大蒜曰葫張騫得自西域小蒜曰薤即卵蒜蓋其本如卵也

芹 生之水涯者曰野芹味最辛其莖葉花子與園圃種者無異但園芹係單莖半圓形野芹則歧莖通體圓形又園芹莖如箸純青綠色野芹莖粗倍之有微紫色故不同

菘 俗曰白菜有數種葉肥厚而嫩多縐文者最佳伏中播種霜降前起之漬而食之曰酸菜又有不能漬者曰圓白菜俗曰疙疸白菜四時皆有爲人常食

菠菜 俗傳其種來自波斯國者故曰菠菜

苕蓬 狀似菠菜俗呼甜菜

萵苣 亦稱萵笋葉由生根者尖闊由莖生者爲心臟形皆無柄春暮開黃花莖高尺許去皮生食如胡瓜並可醃食

萵蒿 葉似萵花黃如小菊春秋皆可種

萵蒿 俗呼菹菘

香菜 傳說種來自西域即芫也

土薄荷 味狀如薄荷其莖葉均可食

芸苔 俗呼臭菜以其葉葷爲五葷之一子可榨油

蘿菔 一名萊菔以其能解毒爲來年所服食也形圓而扁又名蘆菔

鐵嶺縣志

卷十三 物產 植物

二十

鐵嶺縣立第一工科印

俗呼大蘿菔春種可生食其苗初伏種者方爲蘿菔

水蘿菔 亦蘿菔類形細長春種可生食有紅白二種

胡蘿菔 形如蘿菔而色紫赤故俗曰紅蘿菔

青蘿菔 似水蘿菔而粗大色青而甘脆可作涼菜

撒藍 南方謂之芥莖葉可劈食醃食脆美

芥 葉似菘而有毛子入藥磨麪亦可爲藥中之辣料

蔓菁 一名蕪菁子入藥諸葛武侯常種之蜀人呼爲諸葛菜種之有六利甲可生吃一也葉可煮食二也久居易滋長三也棄之不惜四也回則易尋五也冬有根可鬪食六也

芋 一名土芝一名蹲鴟俗呼芋頭又芥芋莖葉皆可醃爲菹

山藥 本名薯蕷唐避代宗諱改薯爲藥宋避英宗諱改稱山藥今仍之入藥以懷慶者爲佳子生葉間大小不一本草謂之零餘子本境大汎河村產最佳質細無筋一枚有重數十觔者

紅薯 俗呼地瓜本名紅薯蕷立夏栽芽雨後翻秧屬多根

馬鈴薯 其狀如馬鈴故名俗呼地豆子一種皮稍紅者呼洋地豆五月內即可食

茄 一名崑崙瓜芒種栽秧有長圓紫青之別爲人一大部分之菜品螺螄菜 形如螺頭尖多節土人醃作小菜甚脆

番椒 一名大椒又曰辣椒子種類不一赤而有光大如拇指有尖土人呼曰望天椒以其面上直矗也一種圓扁有棱狀如小柿又呼柿

鐵嶺縣志

卷十三 物產 植物

二十一

鐵嶺縣立第一工科印

子椒

小茴香 本草實大類蛇床細莖而簇生

馬齒莧 一名五行菜以其葉青梗赤花黃根白子黑故也今罕食者不種自生

以上園圃之蔬

蕈木耳之總名 菌蘑菰之總名

考各字書原無蘑字菰字亦不如是解蘑菰木耳之名不知所自始茲以通俗計故沿用之

草白蘑 似白蘑而味少遜土產菌屬之最佳者

松蘑 生松下而味又遜於草白蘑

榛蘑 生榛叢中狀如小傘味雖厚不鮮

榆蘑 生樹下滑而無味止腹洩

黃蘑 生柞下者最多面黃而大故曰黃蘑採時用鹽滷之謂鹽水蘑  
木耳 朽木濕氣所生但須柞木

地耳 俗曰地獎皮雨後濕氣所成形如木耳雨過即採見日則不堪  
食矣

藿 即山韭也獨莖僅一葉

紅花菜 山丹花含蕊未開時可作菜

黃花菜 萱草亦名忘憂草好生陰濕地花黃六出四垂亦有種園圃  
者其蕊未開時如玉簪而小花黃如玉搔頭亦名金簪菜

鐵嶺縣志

卷十三 物產 植物

二十二

鐵嶺縣立第一工科印

如意菜 詩之蕨也俗曰蕨菜初生無葉莖頂拳曲如鼈脚又似如意  
故有是名

酸漿菜 爾雅謂之殫

薺 開細白花莢如小萍

薇 一名野豌豆以其莖葉氣味皆相似詩之採薇夷薺之採薇皆指  
此

苦賈 一名荼又芑詩之采荼采芑皆指是物一名遊冬葉似萵苣而  
小色蒼白味苦春初掘土白芽寒素家權作菜須生食其汁可塗疔  
腫又可療虫蛇齧傷俗曰屈麻菜

祥穀菜 根如山蒜而小生田原間俗曰小根菜子入藥

掃帚菜 爾雅名壬芻葉嫩時可茹老可作帚其子入藥名地膚子

杏葉菜 沙參苗

明葉菜 甜桔梗苗

槍頭菜 蒼朮苗

筆管菜 黃精苗

小筆管菜 玉竹苗

地龍苗 升麻芽

蒲筍 生野潦中即蒲草根初生之芽可作食品

勃臍 爾雅謂之鳧茈俗呼必齊其音又近鼻奚性可化銅土人或呼

地栗子於他所產者不同

### 鐵嶺縣志

卷十三 物產 植物

二十三

鐵嶺縣立第一工科印

藕 即荷花根境內最少惟掉龍灣蓮花泡等處產之因其無多禁不

准採入藥曰藕節

蔗 南省產者最佳本境亦有種者但其莖短有細其甘遜於南產多矣蓋本地之蔗非南省之蔗也亦氣候使然

茭白 菰也爾雅謂之彫蓬生水中初生之芽曰茭白實曰菰米今罕

食

以上山澤之蔬

瓜

甜瓜 種類不一形色各異俗總呼曰香瓜然無論其何種之優劣以土地為轉移若砂質壤土最良蒂苦入藥名苦丁香俗曰絃瓜



西瓜 皮有碧綠黃白諸色其瓢不外紅白黃三種形皆圓花蒂處作窩非腴沃之田不能種去暑利小水退濕又一種白皮白子白瓢名曰三白美於他種初伏成熟傳聞種來自燉煌考燉煌在西故名曰西瓜

打瓜 形似西瓜而小橢圓皮青有黑花紋亦有純青者其仁甚美即瓜子仁也

王瓜 原名胡瓜俗曰黃瓜葉有刺着黃花頻灌溉曰水黃瓜陸地種者曰旱黃瓜

越瓜 來自越南故名

倭瓜 種來自倭奴故名又曰東瓜皮老有白灰故又曰白瓜有解鴉

鐵嶺縣志

卷十三 物產 植物

二十四

鐵嶺縣立第一工科印

片毒之力

番瓜 倭瓜類俗名玉瓜

攪瓜 形如西瓜而小肉多筋絲醬醃作菜食時以筋攪之絲出如縷

絲瓜 一名天羅長者數尺其狀如蛇熟則其瓢盡成纖維故名絲瓜

六月菜葉去毛陰乾爲細末治湯火刀石各傷且無斑痕

苦瓜 一名飾荔枝一名癩葡萄滿身疔磊如無脚蝦蟆俗曰癩瓜其蔓甚細結實最大

瓠 瓜類也有瓠有匏有壺古昔無甚分別近以長粗如枕形者爲瓠長柄大腹曰匏剖之爲瓢小而無長柄者爲壺亦通稱曰匏又曰壺盧或作胡蘆其兩端圓大而腰細者曰細腰胡蘆土人呼爲壓壓胡

蘆惟匏瓠可食用以充蔬餘皆充玩具其大小又可以人工造之  
果

李 邑東山村多有之其實苦澀不中食花時潔白頗可觀街市賣有  
紅紫大如杯者悉外來之品

杏 有山杏家杏接枝杏之分山杏苦澀不堪入口家杏尙可食惟接  
杏碩而且美優於家杏

桃 當地接枝桃味美勝於外來者但結實甚小非至秋分不能純熟  
數年一歇枝故無大樹

櫻 叢生初春即花夏至成熟有粉朱二色原名含桃

梨 種類甚多當地產者半多山梨質粗味澀不堪入口近年由北鎮

鐵嶺縣志

卷十三 物產 植物

二十五

鐵嶺縣立第一工科印

移來者最多所結實究不如外來者佳美

花紅 一名林禽有似海棠果色紅味酸邑南帽峯山有之

蘋果 本境向無種者僅供盆景而已

山楂 樹高丈餘葉有尖枒有刺花白五出實如卵有紅紫二色九月  
成熟

榲桲 俗曰山裏紅邑東馬侍郎橋村產者最佳又帽峯山產有整核  
穿串可作念珠

檳子 初春着花秋後成熟皮著青紅色其味其形似蘋果而小似花  
紅而大

普盤 實如桑葚色紅味美俗曰託盤

棠梨 有赤白二色赤曰赤棠白曰白棠即詩所謂甘棠也

郁李 俗曰歐梨山野間均產形如櫻實稍大味鮮美邑東張家樓村諸山多產之

桑葚 味甘酸色赤黑與櫻桃同時成熟

枸柰 即枸杞也入藥可輕身益氣

酸棗 本境不多產邑東山村間有之味酸不堪食

石榴 有赤黃白三種赤者子紅黃者子白而亮俗曰水晶石榴味在酸甘之間皮可入藥不結實者曰花石榴無大樹均以盆植之

山核桃 楸屬俗曰山胡桃實似家核桃而長皮黑褐色兩端有尖殼堅肉厚味甚佳

### 鐵嶺縣志

卷十三 物產 植物

二十六

鐵嶺縣立第一工科印

榛 實如栗而殼堅於栗本境特產邑東諸山皆有之其仁光圓甲於他處惜不待成熟人爭採之可謂天與之而人棄之也

葡萄 最佳者曰鷄心葡萄又馬乳葡萄白葡萄先本境植者甚少近銷售日廣種者日多

燈籠果 外籠紗囊中含紅果如朱櫻俗曰紅姑娘無從索解產者無多

蓮子 荷花實也蓮蓬有紅白二種花紅者子多藕少花白子少藕佳紅者掉龍灣蓮花泡等處有之白者罕見

菱角 生水中結實三四角殼甚堅俗曰三四角曰芰兩角曰菱拉塔湖掉龍灣皆產

芡實 說文曰鷄頭葉蹙縐紋外有芒刺狀如鷄頭中有朱紅小粟黑色去其殼可蒸晒爲粉食之

無花果 不花而實種自南來於盆植之其實生於枝葉之間玩物也  
文官果 狀如香瓜而小邑西南高坎村廟有樹兩株惟不常結實

木

松 種類不一結實者曰果松不結實者曰杉松脂多曰油松有刺曰刺松枝葉如蒿曰蒿松又有赤白松理細氣香爲木之貴者以上各種均皮如鱗葉似針質堅節勁古幹參天數百年生機不息

柏 有鳳尾柏側葉間結實多植盆中惟祖越寺院內之柏最古

桑 葉飼蠶有湖桑魯桑之別境內所植者多湖桑近有提倡蠶桑公

鐵嶺縣志

卷十三 物產 植物

二十七

鐵嶺縣立第一工科印

司者種者日衆

槐 形如榆著黃花可染黃色境內不多有

榆 初春莢圓如錢俗曰榆錢性堅汁滑土人用皮製香又刺榆可爲車軸其質堅實非他木可比詩曰山有樞即此

小刺榆 葉初生鮮可食長僅丈餘質細而堅

楸 質細而堅可製箱櫃及一切樂器

櫨 葉似椿而有味土人呼爲臭椿

椴 葉大皮黑紋細微赤者曰紫椴質白者曰標椴皮爲繩無大用處  
從先嘗用以製槍火繩

樺 皮似山桃有花紋紫黑色在昔裹弓背其木節花紋極細曰樺木

包

檉 河畔赤莖柳可飾几案或製碗

柞 高大體堅質實可爲車曰大葉柞葉小而長曰小葉柞五月間土人採其葉包朮米麪蒸食曰博拉葉餅其葉又可飼蠶

櫟 其實曰橡子可飼豬

楊 有青白二種大者可作棟梁皮白初春即芽與柳同本境各村均植之此外又有莖高數丈不發旁枝俗曰洋楊

柳 葉如桃宜窪地有河柳檉柳行李柳青剛柳又細條下垂曰垂楊柳無論何柳縱橫顛倒植之均活

三春柳 河邊小柳一歲三秀故曰三春柳又曰山川柳

鐵嶺縣志

卷十三 物產 植物

二十八

鐵嶺縣立第一工科印

煖木 即黃孽木皮煖厚從先曾用以包弓把細者爲鞭桿著手處帶皮

冬青 寄生樹上葉長而厚經冬不凋遠望之如烏巢俗云寄生山裏紅樹者能治癆瘵

老鸛眼 木質甚堅有花紋中空子可染皂邑東諸山均產子黑如鸛眼故名

明開夜合 一名金銀柳結子紅花經冬不凋亦名合歡  
荆條 質堅可爲鞭桿

棘 一名槭有赤白二種結子如酸棗不結子曰牛棘俗曰棗刺又名葛針邑東韭菜峪村產最多有清時代供修監獄牆頂

文官樹 詳果屬

花

鳳仙花 一名指甲草因性能透骨閨中常用以染指甲一種莖高二尺餘花著葉間又一種花著莖頂曰佛頂珠又莖下垂花著莖頂曰龍爪所謂鳳仙者因花瓣如鳥翅高翹而名之也又名吉祥草亦曰集吉草

金盞子 一名草長春初春即開繼至老秋花黃如金色葉厚如刀形植之盆者用鏡日晒之能花至翌年春

草芙蓉 一名萬壽菊花日甚長莖葉如蒿俗曰芙蓉花

芍藥 一名草牡丹又曰將離有赤白二種花大如碗惟甜汁甚濃蜂

鐵嶺縣志

卷十三 物產 植物

二十九

鐵嶺縣立第一工科印

蟻擾之使花瓣不潔至花開不能盡量因有美中不足之憾

虞美人 俗呼小生菜以其似生菜而小一莖而花數色

洋海棠 子小如嬰粟殼亮如麻子又如兩碗相合莖紅葉綠花淺深紅黃白紫俱有朝開暮合花日甚久插枝即活

鷄冠花 花形如鷄冠有紅白二色開莖頂高三四尺一種莖短名壽星鷄冠可用盆植又花穗尖長如鼠尾曰野鷄冠子

藍雀 不種自出逐節生葉花淡藍色略似小雀張翼如飛之狀故名雁來紅 俗曰老來變黃曰雁來黃白曰雁來白紅黃紫綠相間者曰錦西風又十樣錦此物無花由春至秋因葉變化故曰老來變

虎耳草 一名金絲荷葉以其莖似荷花黃如金故有是名絲者因莖

纖微有白毛

爬山虎 如牽牛花而大引蔓甚長其子如茄

牽牛花 俗呼喇叭花即黑白丑

蝴蝶花 花形如雀有藍紫二色花瓣屈曲如兩翅

蜀葵花 色不一其子可染皂色俗呼大蜀菊

小蜀葵 似蜀葵而小一名錦葵即詩之苘也

葵花 莖高可六七尺頂作黃花大如盤盂隨日而轉俗曰向日蓮其

子可炒食

秋葵花 一名黃蜀葉如鷄趾故又名鷄脚葵花開時以節夾下浸麻

油治湯火傷

鐵嶺縣志

卷十三 物產 植物

三十

鐵嶺縣立第一工科印

山丹花 花紅六出一名紅百合萼未開時晒乾爲紅花菜

百合花 六出四垂形似山丹結子葉間着花於頂俗曰捲丹花後於

山丹花數日

萱 詩作諼亦作諼一名宜男喜生陰地六出四垂蕊乾爲黃花菜亦

曰金簪菜

玉簪 葉圓大喜陰處初秋着花妙香清氣狀肖簪而白故名玉簪又

名白鶴仙結蕊未開時又如玉搔頭

紫玉簪 莖葉蕊花均似玉簪而小惟色紫而香亦遜之

串枝蓮 花粉紅色蔓生俗呼牽枝牡丹

荷包花 葉似牡丹一莖綴數花小如指絕類緋色荷包故呼曰荷包

牡丹

荷 一名蓮花有紅白二色外直中空其根爲藕其華爲菡萏其實爲蓮子生水中邑內掉龍灣產之

石竹 枝似竹而細朶大如錢色不一瓣有鋸齒斌媚可愛入藥

蓼 詩曰遊龍生水邊花如穗淡紅色唐詩云紅蓼花疏水國秋

旋覆花 色黃如小菊俗曰六月菊

草繡球 不喜陽光狀如球花時甚長先紫後變白

剪春羅 一名剪紅紗花大如錢六出瓣稍作鋸齒狀細碎有若盜庚

又一種秋花者名剪秋羅

草茉莉 花狀如筒有黃白紫紅各色又有各色相間者亦名胭粉團

鐵嶺縣志

卷十三 物產 植物

三十一

鐵嶺縣立第一工科印

江西臘 花似菊葉亦如之俗曰六月菊五色俱備

節節高 五色俱備自春即逐節挺莖而花至秋或高三四尺而莖頂仍花俗呼爲步步登高又曰竹葉梅

菊 種類形色名稱甚繁花大如盤清超拔俗俱有傲霜之姿清品也

野菊 莖葉花皆似菊而小朶如錢俗曰九月菊

頂冰花 葉薄如紗深綠色莖短去地寸許冰雪初銷時開之

長春 柔條紛披黃花綠葉繞枝爛熳逐時長開故曰長春

月季 一名月月紅按月開花枝有刺如棗

迎春 形狀如長春惟立春前着花故名曰迎春

杏 詳果屬



李 詳果屬

桃 詳果屬

梨 詳果屬

小桃紅 葉似榆花如櫻略似月季初春着花又曰榆梅

丁香 初春着花於枝頂先花後葉香濃厚其葉浸水洗火眼

刺梅 有紅黃二種枝有刺如月季紅者香濃可釀酒黃者味薄而花

亦小生於山野者開單瓣可製梅桂甘香適口

石榴 五月初必開鮮紅如火間有白色者須以盆植之

珍珠花 一名玉屑葉狹長邊有鋸齒三四月結蕊成穗如糜子而稍

大開白花繁密攢聚

鐵嶺縣志

卷十三 物產 植物

三十二

鐵嶺縣立第一工科印

繡球 六月着花攢聚成團略如球形性屬陰得日則萎

馬纓 花如紅絨一簇一名合歡以其葉晝開夜斂

薄荷梅 花色甚雜葉如薄荷故名

榆梅 枝葉如榆花如小桃紅惟逐枝開於葉間

金籐松 葉如松針故名

洋石竹 花莖葉均如石竹惟宿根能重發

洋蜀菊 形狀同大蜀菊而花綠紫色

洋棉花 花葉均似棉花而大開淡黃色

洋牽牛花 似牽牛而大色亦複雜

西番蓮 莖高三四尺花色俱備大如蜀葵之小者似菊花而大有單

瓣如罌粟者均遞發旁枝至秋花開愈盛最不耐霜種來西洋故名  
西番蓮

鐵葉花 花有黃白紫諸色葉細長而堅厚故名曰鐵葉

蒿子花 葉如蒔蘿莖高能耐霜

木槿 葉大如小碟植盆中晝開夜斂

俗槿 形如木槿葉較大莖高數尺逐葉開着花新豔惟其葉常被虫  
捲

小俗槿 葉似大俗槿而小花形如酒杯有耐霜性即詩云顏如舜華  
也

草海棠 俗曰德國海棠鮮豔異常初春即開宿根得鏡日光雖隆冬

鐵嶺縣志

卷十三 物產 植物

三十三

鐵嶺縣立第一工科印

亦開

水仙 根如胡蒜來自南省栽水池中用鏡日晒之着花遲早可隨人  
意俗云花之盛衰可驗人之一年順利與否

夜來香 花白色形如草茉莉夜間香味濃厚故名

倒挂金鐘 着黃花四出下垂初春即開

仙人球 狀如球身有棱刺花形喇叭筒淡黃色味濃晝開夜合

仙人掌 狀如手掌身有刺俗曰六十年一開花

打碗花 形似牽牛被水田生長最煩其根可代米故饑饉年謂之救  
命根

罌粟 春分播種夏至着花結實如球微破其皮出白汁晒乾成土熬

土成膏吸其膏能療百病惟最易入癮現國家懸爲厲禁

柳葉桃 其葉似柳其花似桃葉厚而長經冬不凋粉紅花爲常品間有白者

扁竹蘭 花作三角形葉寬如刀產於山野入藥曰射干

曼陀羅 狀似牽牛花引蔓頗長花蒂如茄俗呼爬山虎

草

線麻 初秋刈而漚之剝其皮以爲線可織布又可以爲繩

大麻 莖高數尺葉大而圓子可榨油醮臘

靛 藍草也可染布秋際成熟謂之靛秋花葉皆入藥

棉 種來自印度宜山地開淡黃花結實狀如桃九月實開撿其絮用

鐵嶺縣志

卷十三 物產 植物

三十四

鐵嶺縣立第一工科印

壓機出其子紡紗爲布衣服賴之

蓑衣草 莎草也生於水沼其莖三棱以之製衣可避雨故曰蓑衣草

香草 即芸也置書中可避蠹又避瘟

紅茅草 葦屬莖微紅中空土人用以苫房又曰章茅

菸 葉圓而厚晒乾人吸其烟吉林產者佳當地味薄又一種葉小名高麗菸味劣一般寒微人吸之

艾 俗曰艾蒿生原野端陽節人採之插檐間能避邪崇窪地產曰水艾古人有用以灸病者

羊草 叢生可飼羊故曰羊草

老牛錯 壕巔隴畔皆生之高數尺葉尖秋後可作燃料

剉草 可治木錫諸器亦名錯草即木賊

蘋 四葉相合中折十字浮生水面萍類也詩云於以採蘋即此生陸地者曰青蘋

兀刺草 農人冬季用以煖足亦可造紙

藻 俗曰札草多有用以養盆魚者以資點綴

燕麥 粒如麥而小爾雅謂之雀麥近郊多有之

葦 水泊中生之葦根俗呼葦椎子一名萑詩曰八月萑葦一名葭詩曰蒹葭蒼蒼亦名蘆爾雅葭蘆註曰葦一物而三名又荻爾雅謂之蕭

綵麻 亦曰蒞麻可爲繩

鐵嶺縣志

卷十三 物產 植物

三十五

鐵嶺縣立第一工科印

馬蘭 隴畔路旁皆生著藍花無香初夏盛開子可染色根可製刷子

鄉人多植之用以束物子入藥曰蠶寶

星星草 細莖鬚帶小粒故曰星星又可飼馬

莠 害苗草也俗曰穀莠子

扁担草 可飼牛馬

蓬 詩所謂飛蓬深秋因風隨地旋轉

茨 俗曰蒺藜蔓長葉細子三角形有刺多生於壕巔

蒲蒨 可食名蒲笋土人食之者少生水中心莖高丈餘可作扇又可製茵其茸可爲枕又有菖蒲生野潦中俗呼臭蒲

水葱 生水中可編涼蓆可製扇一名翠管

萍 浮生水面柳絮所化隨水浮沈故遠遊他鄉者曰萍踪無定

蔦 詩曰維蔦與蘿施子松柏寄生物也

芄蘭 蔓生葉厚斷之有汁子長數寸俗名雀瓢籬落及樹叢中多生之又名蒯拉瓢秋老子自裂毛如白絮隨風飄散來年自生

### 礦物 金屬

金 分五色曰黃金赤金白金烏金青金各金以黃金爲上品故獨稱黃金爲金城東柴河經流處牧養政村嘗發現金苗土人採之忽有忽無又平石門亦嘗發現惟產量無多不惹人注意光緒末年有在該處掘得金塊重十一觔六兩嗣後屢採無所得

銀 本邑古名銀州又有銀岡相傳因冶銀而得名現無可採之礦

### 鐵嶺縣志

卷十三 物產 礦物

一

鐵嶺縣立第一工科印

錫 其質在鉛銀之間土人多用以製供器皿及他器皿

鉛 一名青金可製筆或槍彈

鐵 邑東各山雖有礦苗均不足開採

銅 邑南諸山嘗現礦苗惟礦層太淺不堪開採

自然銅 邑東諸山多產入藥治紅傷

### 非金屬

紫石 可製硯惟堅滑不適用

磨石 老邊台村產可磨刀剪鋒刃

青石 邑西王千總堡子產可築室砌路大有取之不竭之勢但石質不堅不能鐫字

斑文石 石質堅硬可製碾磨

黑石 城西大台村產之

碎青石 可以燒石灰

石棉 雞冠山諸處產之錘之成棉但其茸短土人僅有用製腳帶者

白土 土質色白可以塗墻

青泥 色純青以水淋汁和石灰中作淺青色塗飾墻壁刷新舊磚瓦利用之

煤 邑內大台山等處均有惟因煤質不良均未開採

附巴拿馬賽會徵品

銀質結晶光澤精美城東葉爾星村所送又自然銅爲牧養政村

### 鐵嶺縣志

卷十三 物產 礦物

二

鐵嶺縣立第一工科印

所送以上爲未歸類之金屬緣民國三年美洲巴拿馬運河工竣到處徵集賽品鐵嶺各礦蘊未發者甚夥此二者不過開採之崖略爾

貨物 製造品

酒 高糧合麥麩所作土人用作飲品消路甚廣

豆油 純大豆所榨汁曰豆油渣滓曰豆餅

獸皮 凡家畜各獸均產野獸亦間有之惟少數

獸毛 同於獸皮

蠶絲 桑柞各蠶均產惟提倡之始未見發達

棉 從先種者普通近二十年來減種十之七八

大布 齊魯人專開機房爲每年出品不下數萬疋

毛頭紙 其原料爲麻屑繩頭碾而製之所謂利用廢物藥

動物入藥者

牛黃 苦寒微毒生於牛肝膽之間凡牛有黃則眼紅好吼置水令不得飲則吐出爲藥中貴品

望月砂 本名明月砂又玩月砂即兔矢也

夜明砂 蝙蝠矢也境東三道溝山洞多有之

蟾酥 即蝦蟆眉間白汁本邑汎河流域多產之每當秋季齊魯人採取之

鐵嶺縣志

卷十三 物產 貨物

一

鐵嶺縣立第一工科印

蜂蜜 爲羣蜂採花釀成白露後收山產者佳

黃蠟 即製蜂蜜之渣滓子色黃曰黃蠟

蜂房 樹間久受風露之蜂子窩又曰露蜂房

桑螵蛸 俗呼螳螂子邑東白旗寨諸山多產之

土鼈 生墻陰濕土中本名**鼈**如小鼈

內金 即雞中肝皮

植物入藥者

黑脂麻 名巨勝質與白者不同榨油曰香油

茄花 即茄子花霜降後採之

茄根 茄子老根去皮者霜降後採取之

萊菔子 即蘿菔子

薤白 祥穀菜子俗曰小根菜

苦丁香 甜瓜蒂也食之逆吐

馬齒莧 平地園圃皆生之俗名螞蟻菜人嘗食之但不得與鼈同食

黃精 博物志太陽草名黃精初生苗土人採食曰筆管菜苦寒無毒

山玉竹 一名葳蕤爾雅曰熒委萎是也莖強似竹有節節間多鬚葉

狹長對生亦似竹葉尖處有黃點三月開小青花如蘭

白附子 俗曰大黃喇叭花又名鼠尾草根又名兩頭菜邑東大康家

子諸山多產之

柴胡 苦寒無毒俗名竹葉茶之根爲邑特產古曰銀州故曰銀柴胡

鐵嶺縣志

卷十三 物產 貨物

二

鐵嶺縣立第一工科印

五味子 形如菽其味有五故曰五味子遼東產者佳他省次之邑內

二道林子諸山均產

甜桔梗 一名土桔梗甘寒無毒古名薺萇根似桔梗無心治鼻衄其

苗名明葉菜土人食之

車前子 道旁隴畔生之即詩之芣苢俗名車輪菜

香附 即莎草生田野根象雀頭一名雀腦香葉如老韭而硬光澤有

劍脊形莖三棱中空可作蓑衣

因陳 一名萬年蒿初春採其芽因宿根故曰因陳

百部 春生苗作籐蔓葉大而尖似竹葉根多成百故名

遠志 俗名光根茶根



龍膽草 味苦如膽其葉經霜不凋

細辛 寬葉紫花根葉皆入藥

地膚子 掃帚菜子俗呼鴨舌草子

卷柏 長生不死形如佛手經冬不凋俗呼萬年松

蒲黃 香蒲棒上黃粉也

浮萍草 形如錢柳絮落水而生無根無莖背紫者佳

漏蘆 猫菰之根

防風 俗名屏風草之根

茜草 山龍草根忌鐵一名茹蘆

菟絲 附豆莖而生最能害稼俗曰黃絲

鐵嶺縣志

卷十三 物產 貨物

三

鐵嶺縣立第一工科印

芫蔚子 一名益母草婦人科胎前產後多用之

升麻 俗呼苦龍芽菜

蒼耳子 詩之卷耳其實多刺色蒼形如鼠耳

赤芍 芍藥花根色赤曰赤芍白曰白芍

馬蘭花 俗呼馬蘭花子

知母 俗名鈴鐺菜之根

黃芩 着紫花其苗名山茶根

茅根 俗名萬根草春生苗布地如針曰茅針入藥用根

山紫草 三月採根可以染紫故名紫草

紫苑 圓葉菜之根

白蘚皮 羊蘚草根苗莖俗呼八卦牛

牛蒡子 一名惡實其苗俗呼牛菜

石韋 生山石上有葉無莖狀如皮故名石韋

石花 石崖上所生如小兒拳外白內綠遇雨則開形如柏葉兼入菸

料

白薇 根細而白邑東諸山多產

地榆 其葉如榆花黑紫入藥用根

大薊 俗曰槍刀菜

三楞 水產其形似銀梅其莖三楞

小薊 土人呼爲十針草

鐵嶺縣志

卷十三 物產 貨物

四

鐵嶺縣立第一工科印

小茴香 實褐色輕而小類蛇床六七月採之

商陸 一名當陸又名白昌草根

青蒿 俗名萬年蒿

葶藶 獨芥草子夏至結子

藜蘆 俗名山葱

鷄冠子 人家園圃常種之

貫仲 俗呼鳳尾草根疫時浸入水缸除毒

威靈仙 俗名龍頭菜之根

扁蓄 俗呼生草

葶麻子 亦作葶麻紅花者入藥黑花者造油

馬兜鈴 一名青木香形如馬鈴故名

狼毒 一名貓兒眼專治一切癩疹

鶴虱 俗呼黏蒼耳子

菥蓂草 俗呼黏蒼葉

馬鞭草 一名龍齒草形似馬鞭故名

白頭翁 野蘭花之嫩葉

劉寄奴 一名烏籐菜

山豆根 蔓生如大豆根

透骨草 俗曰山豆秧子

木賊 俗名剉草

鐵嶺縣志

卷十三 物產 貨物

五

鐵嶺縣立第一工科印

夏枯草 冬至後生夏至後枯

瞿麥 石竹花子

馬勃 形似蘑菇彈之有紫灰治刀傷多用之

地丁花 紫者名紫花地丁

水紅子 水蓬草子即紅蓼花

蒲公英 金簪草

急性子 鳳仙花子取時易迸煮老鷄老鴨搗末投入易爛

側柏 柏樹葉

五加皮 俗曰茨柞棒菜根之皮形如葛籐

旋覆花 爾雅名盜庚金伏草金荷花均其名

老貫筋 俗呼老貫草

翻白草 俗呼鷄脚草

黃柏皮 黃孽羅樹皮

郁李仁 即歐梨子

酸棗仁 即棗核仁

枸杞 一名地骨皮

合歡 俗呼明開夜合

寄生 附樹生經冬不凋俗呼凍青子

霜桑葉 桑葉經霜之葉

芡實 俗呼鷄頭米

鐵嶺縣志

卷十三 物產 貨物

六

鐵嶺縣立第一工科印

杏仁 即杏核仁也

桑葚子 桑實也

桃仁 即桃核仁也

桑白皮 桑根之嫩皮

礦物入藥者

無石異 平地河畔中產土精所成俗曰土子

金礪 色青者佳煨煉如金

自然銅 狀似鐵而質似銅五金中特產